




DS  
735  
A2 W8  
19--  
V. 37









尺木堂綱鑑易知錄卷八十

周之炯靜專

綱目續編定本

山陰吳乘權楚材同輯

周之燦星若

南宋紀

高宗皇帝

綱乙卯五年

金熙宗亶仍稱天會十三年

春正月朔日食綱名張

浚還命韓世忠屯鎮江

見上卷二七

劉光世屯太平今江

南太張俊屯建康

見上卷二九

俊嘗以其軍從上行至是



趙張並相

始軍於外。**綱**金主吳乞買卒。兄之孫亶立。亶太祖之孫合刺也。

**綱**二月。帝如臨安。**綱**以趙鼎張浚爲尚書左右僕射。

並同平章事。兼知樞密院事。都督諸路軍馬。**目**鼎浚

相得甚驩。人知其將並相。史館校勘喻樗獨曰。二人

宜且同在樞府。他日趙退。則張繼之。立事任人。未甚

相遠。則氣脈長。若同處相位。萬一不合而去。則必更

張。見十三卷三。是賢者自將背戾矣。尋命浚如江上議邊

防。**綱**作太廟于臨安。**目**侍御史張致遠言。創建太廟

甚失興復大計。殿中侍御史張絢亦言。去年建明堂。



今年立太廟。是將以臨安為久居之地。不復有意中

原。不報。**綱**閏月。胡松年罷。**綱**三月。張浚視師潭州。今湖

廣長沙府。**目**浚以建康東南都會而洞庭。見五據上流。恐

楊太。見上卷滋蔓。萬。滋長而蔓延。左傳。為害請乘

其急討之。至醴陵。今長沙府釋邑囚數百。皆太謀。牒

今之者。給以文榜。俾招諭諸砦。皆驩呼而去。於是相

率來降。**綱**夏四月。封周後柴叔夏為崇義公。廣昔周

高宗亦成王之仁  
以上公之爵封徽子於宋。聖人載之於書。高宗**綱**上

皇卒于金。卒於五國城**目**年五十四。遺言欲歸葬



內地金主亶不許時兵部侍郎司馬朴與奉使朱弁

便在燕山

見七  
卷末

聞之其議制服弁欲先請朴曰爲

司馬朴洪  
皓忠義

臣子聞君父之喪當致其哀尚何請設請而不許奈  
何遂服斬衰朝夕哭金人義之而不責洪皓在冷山

見七八  
卷十七

聞之北向泣血操文以祭其詞激烈聞者揮

涕

史臣曰徽宗之失國也恃其私智小慧用心一  
偏疎斥正士狎近姦諛於是蔡京以儇薄巧佞  
之資濟其驕奢淫佚之志溺信虛無崇飾遊觀  
困竭民力君臣逸豫相爲誕謾怠欺國政日行  
無稽及童貫用事又勤兵於遠稔禍速亂遂致  
國破身辱豈得諉諸數哉自古人君玩物喪志



楊時為程氏正宗

綱龍圖閣直學士致仕楊時卒。時奉祠致仕優游

林泉以著書講學為事。東南學者推時為程氏正宗。

胡宏羅從彥皆其弟子。卒年八十三。諡文靖。從彥南

劍見七十五人初為博羅今廣東惠州府博羅縣主簿。聞時得程

氏之學。慨然慕之。及時為蕭山見同上令。從彥徒步往

學。見時三日。即驚汗浹背曰。不至是。幾虛過一生矣。

幾虛過一生  
豫章先生

既卒業。歸築室山中。絕意仕進。學者稱為豫章先生。

朱熹謂龜山見同上倡道東南。士之遊其門者甚眾。然



潛思力行。任重詣極者。豫章一人而已。延平今福建

喜怒哀樂

未發前氣

象

南平

李侗

通

初從從彥學。從彥命於靜中看喜怒哀

樂。未發前氣象。而求所謂中者。久之。於天下之理。該

攝洞貫。以次融釋。各有條序。退居山中。謝絕世故。凡

四十年。其接後學。答問不倦。常曰。學之道。不在多言。

但默坐澄心。體認天理。自見。學者稱為延平先生。朱

延平先生

熹嘗從侗受學。每稱侗資稟勁特。氣節豪邁。而充養

完粹。

歲

無復圭角。自然之中。若有成法。平居恂恂無

甚可否。及酬酢事變。斷以義理。則有截然不可犯者。



胡寅諫何  
蘇使金

綱五月遣忠訓郎何

蘇

先上聲

使金罷中書舍人胡寅

甲寅上疏言女真

金本號

驚動陵寢戕毀宗廟劫質至

二帝塗炭生民乃陛下之大讎也自建炎

高宗年號

丁未

至紹興

高宗年號

甲寅卑辭厚禮以問安迎請為名而遣

使者不知幾人矣知二帝所在見二帝之面得女真

之要領因講和而能息兵者誰歟但見通和之使歸

未息肩而黃河長淮大江相繼失險矣夫女真知中

國所重在二帝所恨在劫質所畏在用兵則常示欲

和之端增吾所重平吾所恨匿吾所畏而中國坐受



張浚自相  
矛盾  
孝宗就學  
資善堂

此餌既久而後悟也。天下其謂自是改圖矣。何爲復  
出此謬計邪。苟曰以二帝之故。不得不然。則前效可  
考矣。適觀何辭之事。恐和說復行。國論傾危。士氣沮  
喪。所繫不細。疏入。詔褒諭之。會張浚奏言。使事兵家  
機權。後將闢地復土。終歸於和。未可遽絕。乃遣薛行  
寅因乞外。知邵州。見上廣罷和議。主恢復。張浚之素  
義志也。今於胡寅之疏而反  
議之。可謂自相矛盾矣。孔子曰。一言而可以喪邦。蓋以此耳。  
事。綱封瑗。見上爲建國公。就學資善堂。目趙鼎請以  
行宮新作書院爲資善堂。命建國公聽讀。且薦徽猷



中興基業  
在是

趙丞相可  
謂有實相

閣待制范冲兼翊善起居郎朱震兼贊讀朝論二人

極天下之選帝命瑗見之皆設拜後岳飛詣資善堂

見瑗退而喜曰社稷得人矣中興基業其在是乎尋

以伯玖見上為和州見同防禦使賜名璩渠

雲間張氏曰趙丞相可謂名實相副者也此舉

何其克當之甚耶蓋相業莫先於定國本定國

本莫先於教太子教太子非碩德鉅儒聞望素

孚者不可也趙丞相先見乎此故以為首務雖

然此亦天使然也使黃汪為相安能望此舉哉

然亦不可獨咎黃汪也自徽欽以前求其如此

舉者未嘗見諸史冊厥後孝宗克成令德豈無



岳飛洞庭之捷

岳節使號令如山

岳侯忠孝人

綱六月岳飛大破楊太于洞庭太死湖湘平。目飛奉

命討太。

見上卷

而所部皆西北人不習水戰。飛曰。兵

何常顧用之何如耳。乃先遣使招諭之。其黨黃佐曰。

岳節使號令如山。若與戰萬無生理。不如往降。節使

誠信必善遇我。遂降飛。表授佐武義大夫。單騎按其

部。拊佐背曰。子知逆順者。果能立功。封侯豈足道。欲

復遣子歸湖。

洞庭湖見上二

中視其可乘者擒之。可勸者招

之。如何。佐感泣誓以死報。時張浚至潭州。

見同

席益

疑飛玩寇。欲以聞浚曰。岳侯忠孝人也。兵有深機。胡



岳飛小圖  
定畫

可易言。益慙而止。黃佐襲周倫砦殺之。飛上其功。遷

武功大夫。會朝旨召張浚還防秋。見七六飛袖小圖

示浚。浚欲俟來年議之。飛曰。已有定畫。鄴督能少留

八日。可破賊。浚曰。何言之易。飛曰。因敵將用敵兵。奪

其手足之助。離其腹心之託。使孤立而以王師乘之。

八日之內。當俘。見上諸酋。浚許之。飛遂如鼎州。見上

三黃佐招楊欽來降。飛喜曰。楊欽驍悍。既降。敵腹心

潰會矣。表授欽武義大夫。禮遇甚厚。乃復遣歸湖中。

兩日。欽說全琮劉誥。辛來降。飛詭罵欽曰。賊不盡降。



何來也。杖之復遣去。是夜掩

乘其不備而覆之日掩。

賊營降其

衆數萬。太負固不服。方浮舟湖中。以輪激水。其行如

飛。傍置撞竿。官舟迎之輒碎。飛伐君山

在洞庭湖中。堯女湘君嘗

居此。

木爲巨筏。塞諸港

講。水。分派也。

汊。水。去聲。又。

以腐

木亂草浮上流而下。擇水淺處遣善罵者挑

上。

之。且

行且罵。賊怒來追。則草木壅積。舟輪礙不行。飛急擊

之。賊奔港中。爲筏所拒。官軍乘筏張牛革以蔽矢石。

舉巨木撞其舟盡壞。太技窮。赴水死。飛入賊壘。餘酋

驚曰。何神也。俱請降。衆凡二十餘萬。果八日而捷。書



除是飛來

至潭浚歎曰岳侯神算也黃誠斬楊太首挾鍾子儀  
周倫詣浚降湖湘見上卷悉平初太恃其險官軍自  
陸襲則入湖水攻之則登岸因曰欲犯我者除是飛  
來至是人以其言為讖云

雲開張氏曰武穆為將主之以信義輔之以等  
略加之以勇敢又況忠孝素根于心故所向無  
前成功取捷動輒可必雖古今名將不能過焉  
君子論南渡中興之將當以武穆為首稱

**綱**秋七月孟庾罷**綱**冬十月張浚還自潭州**目**湖湘

平浚奏遣岳飛屯荆襄今湖廣荊州以圖中原乃自

鄂岳見五六轉淮東淮水之東會諸將議防秋



之宜。帝賜詔趣促歸。及至勞去聲。問曰：卿暑行甚勞，羣

寇就招撫，成朕不殺之仁。卿之功也。召對便殿，浚進

中興備覽四十一篇。帝嘉歎，置之座隅。**綱**十一月，徵

和靖處士尹焞。見七十六卷二十三于涪。涪州**目**初，金人陷洛，焞

闔門被害，焞死復甦。同門人昇預也對至山谷中而

免。劉豫聘之不從，以兵恐之。焞自商州今陝西商州奔

蜀。治四川成都府至閬。郎。閬州，今四川保寧府得程頤易傳，拜受之。因

止於涪。今四川重慶府涪州三畏齋以居。州人不識其面，至

是范冲舉以自代。**綱**以李綱為江西安撫，制置大使。

張浚中興備覽

程氏易傳

三畏齋

范冲舉尹焞



張浚薦李綱  
蒙古

張浚薦其忠也。綱金伐蒙古。蒙古在女真。金本號見

六五之北。唐為蒙兀部。亦號蒙骨斯。其人勁悍善戰。

夜中能視。以鮫交魚。出南海其形似鼈無脚有尾今謂之沙魚皮為甲。可

捍流矢。金主命萬戶胡沙虎將兵擊之。

綱丙辰六年。金天會十四年春二月。以折彥質簽書樞密院

事。綱韓世忠圍淮陽。金兀朮救之。世忠還。世忠聞

劉豫聚兵淮陽。今河南開封府陳州即引軍渡淮。旁符離。秦縣故城

在江南鳳陽府宿州而北。至其城下。為賊所圍。奮戈潰圍而

出。不遺一鏃。呼延通與金將牙合孛堇。見上卷搏戰。



扼其吭

同。咽。喉也。

而擒之。乘銳掩擊。金人敗去。遂進兵。

圍淮陽。兀朮與劉猗。猗皆引兵至。世忠求援於張俊。

張俊忠韓世忠

俊以世忠有見吞意。不從。世忠勒陣向敵。遣人語

去聲。

錦衣驄馬立陣前

之曰。錦衣驄

聰。青白色。

馬立陣前者。韓相公也。或危之。

世忠曰。不如是。不足以致敵。敵果至。殺其導戰二人。

遂引去。世忠復還楚州。

今江南淮安府。

淮陽之民從而歸者。

以萬計。

綱。沈與求罷。

綱。張浚會諸將于鎮江。

見上。

遣

張俊屯盱

盱。今鳳陽府盱眙縣。

韓世忠屯楚州。

綱。張浚

每稱二人可倚大事。故並命之。世忠至楚。披草萊立。



軍府與士卒同力役。夫人梁氏親織箔為屋，將士有

怯戰者，世忠遺

去聲

以巾幘。

見二八卷五

設樂大宴，俾婦人

妝以恥之。故人人奮勵，撫集流散，通商惠工。山陽

即淮

安遂為重鎮。**[綱]**夏四月，起復岳飛為京湖宣撫副使。

**[目]**飛以母喪扶櫬

櫬，棺也。

還廬山，累表乞終制，不許。

明發

非奪喪之比

是時金革彌興，宜行變禮。況飛累表乞終制，朝廷不許，則非奪人之喪，自奪其喪之比也。君子不可以常例觀之，則知**[綱]**六月，張浚撫師淮上。

淮水之上。遣劉

光世屯廬州。

今江南廬州府。

岳飛屯襄陽。

今湖廣襄陽府。

楊沂中屯

泗州。

今江南鳳陽府。

**[目]**浚命光世屯合肥。

今廬州府合肥縣。

以招



此君素志

陳公輔斥  
王安石疏

北軍沂中領精騎以佐張俊。飛屯襄陽以圖中原。且謂飛曰。此君素志也。綱。秋七月。以陳公輔為左司諫。

公輔名還

見七卷二八

為吏部員外郎。言今日之禍實

由公卿大夫無氣節忠義。不能維持天下國家。平時

既無忠言直道。緩急詎肯仗節死義。豈非王安石學

術壞

怪

之邪。安石政事壞人才。學術壞人心。三經

見七

一卷

字說

見同上

詆誣聖人。破碎大道。非一端也。春秋

正名分。定褒貶。俾亂臣賊子懼。安石使學者不治春

秋。史。漢

史記

載成敗安危存亡理亂為世龜鑑。安石



使學者不讀史漢楊雄不死王莽之篡而著劇秦美

新之文

見十九卷十

安石乃曰合於孔子無可無不可之

義馮道事四姓八君

見六二卷三三書法

安石乃曰善避難以

存身使公卿皆師安石之言宜其無氣節忠義也疏

入帝大喜授左司諫賜三品服

綱

八月以秦檜爲行

營畱守孟庾副之並參決尚書省樞密院事

目張浚

奏東南形勢莫重於建康

見上

實爲中興根本且使

人主居此北望中原常懷憤惕不敢暇逸而臨安僻

在一隅內則易生安肆外則不足以號召遠近繫中



原之心請臨建康撫三軍以圖恢復會諜報劉豫將

南寇趙鼎議幸平江

今江南蘇州府

帝從之遂命檜庾畱守

並參決尚書省樞密院事檜自被斥見上卷十四會與金

議和稍復其官知溫州紹興府但馬折江又以張浚薦授

醴泉觀使兼侍讀至是漸用事

張浚薦秦檜

雲間張氏曰主和議者檜之奸謀排和議者浚之素志今欲恢復而薦主和議之奸臣是猶抱薪救火惡能致其撲滅哉雖然君子不可獨罪浚也高宗於檜榜其罪曰示不復用今也榜墨未乾君信遂失厥後武穆之死人徒知秦檜殺之而不知高宗張浚殺之也君子識武穆之獄當首高宗張浚而從秦檜以無乎得其當矣



綱岳飛復蔡州。飛累戰皆捷。遣牛皋復鎮汝軍。傷

再興復河南長水縣。張浚曰：飛措畫甚大。今已至伊

洛。見四三卷二十七則太行。見七七卷二十八一帶山砦，必有響應者。已

而忠義杜梁興等果歸之。飛復及偽齊。劉李成孔彥

舟連戰至蔡州。今河南汝寧府克其城。綱九月，帝如平江。綱

岳飛遣兵敗劉豫之衆于唐州。今河南陽府唐縣上疏請進

軍恢復中原。帝不許。飛乃還鄂。見上綱冬十月，劉豫

使劉麟、劉稅分道寇淮西。楊沂中等大敗猓于藕塘。

追麟至南壽春而還。綱劉豫聞張浚會諸將於江上。



蒲盧虎  
諒援劉豫

榜其罪逆將進兵討之告急於金請先出師南侵而  
乞師救援金主亶召諸將相議之蒲盧虎曰先帝所  
以立豫者欲其開疆保境我得安民息兵也今豫進  
不能取又不能守兵連禍結愈無休期從其請則豫  
收其利敗則我受其弊況前年因豫出師嘗不利於  
江上矣奈何許之金主遂不許豫而遣兀朮提兵黎  
陽今直隸大名府濬縣以觀釁於是豫僉鄉兵三十萬分三道  
入寇麟率中路兵由壽春今江南鳳陽府壽州以犯合肥見上  
猗率東路兵由紫荊山在壽州出渦見二七口以犯定



遠今鳳陽府孔彥舟率西路兵由光州今河南汝寧府光州以

犯六安府六安州時張浚楊沂中韓世忠岳飛劉

光世分屯諸州而沿江上下無兵趙鼎深以為憂移

書張浚欲令浚與沂中同保合肥浚以為然乃遣沂

中張宗顏等分道禦之且令沂中趨濠州即鳳陽府以與

張俊合及劉麟進逼合肥趙鼎曰今賊渡淮見上七

當急遣張俊合光世之軍盡掃淮南之寇然後議去

留帝善之然慮俊光世不足任因命岳飛盡以兵東

下而手札付浚令浚光世沂中等還保江浚上言若



張浚諫諸將渡江

續資治通鑑

卷八

十二

諸將渡江則無淮南而長江之險與賊共有淮南之地正所以屏蔽大江使賊得淮南因糧就運以爲家計江南其可保乎今正當合兵掩擊可保必勝若一有退意則大事去矣且岳飛一動襄見上漢今湖廣陽有警何所恃乎願朝廷勿專制於中使諸將有所觀望也帝手書報浚曰非卿識高慮遠何以及此由是異議乃息沂中兵至濠光世已舍廬州將趨采石見四十卷九淮西大震浚聞之令呂祉馳往光世軍諭之曰有一人渡江卽斬以徇行示日徇光世不得已復還廬



楊沂中藕  
塘之捷

州與沂中俊等相應。劉猗軍至淮東。爲韓世忠所沮。乃引趨定遠。劉麟從淮西繫三浮橋而渡。次於濠壽之閒。張俊以兵拒之。猗率衆犯定遠。欲趨宣化以寇建康。沂中以兵二千進禦。與猗前鋒遇於越家坊。敗之。猗恐孤軍深入。爲王師所襲。乃欲趨合肥。與麟合而後進。至藕塘。沂中復遇之。猗據山列陣。矢下如雨。沂中急擊之。使統制吳錫率勁卒五千突入其軍。猗衆潰亂。沂中縱大軍乘之。而自以精騎衝其脇。大呼曰。賊破矣。賊衆錯愕。駭視。張宗顏自泗見三五卷十七來乘。



聶齊

背擊之。張俊大軍復與戰於李家灣。賊衆大敗。橫屍滿野。猓以首抵謀主李愕曰。適見聶將軍銳不可當。果楊殿前也。卽與數騎遁去。麟在順昌。聞猓敗。亦拔砦去。沂中及王德乘勢追麟至南壽春而還。孔彥舟亦解光州圍而去。北方大恐。金人聞豫敗。來詰其狀。始有廢豫之意。**綱**十二月。張浚還自鎮江。韓世忠敗金人于淮陽。**綱**趙鼎罷。**目**初。張浚在江上。遣參議軍事呂祉入奏事。所言誇大。鼎每抑之。帝謂鼎曰。他日浚與卿不和。必呂祉也。旣而浚因論事。語意



微侵鼎。鼎言臣初與浚如兄弟。因呂祉離間。諫遂爾

睽異。今浚成功。當使展盡底蘊。浚當留。臣當去。帝曰。

俟浚還。議之。及浚還。鼎與拆彥質請帝回蹕。見十一卷四

臨安。浚奏天下之事。不倡則不起。三歲之間。陛下一

再臨江。士氣百倍。乞乘勝攻河南。劉而車駕幸建康。

見上又言劉光世驕惰不戰。請罷其軍政。鼎言得河

南固易。爾能保金人不內侵乎。且光世累世為將。將

卒多出其門。無故而罷之。恐人心不安。浚滋不悅。而

帝多從浚議。鼎求退益力。遂罷知紹興府。屬浙鼎與



小元祐

忠正德文

趙鼎自睽  
已意

浚為相。政事先後。及人才所當名用者。條而置之。座右。次第奏行之。故列要津者多。一時之望。人號為小元祐。哲宗初帝嘗親書忠正德文四字。及尚書賜之。曰。書載君臣相戒飭之言。所以賜卿。欲共由斯道也。鼎頓首謝。

雲閒張氏曰。大抵進取中原。浚與鼎素志也。臣嘗考夫趙鼎陳戰守禦之三策矣。其略曰。經營中原。當自關中始。經營關中。當自蜀始。欲幸蜀。當自荆襄始。吳越介在一隅。非進取中原之地。經營大業。無出於此。今鼎反請高宗回蹕臨安。則知鼎也。故違張浚之見。而自睽已意於浚。利預焉。且大臣謀國。必先公家之急。而後私讎也。況浚與鼎。好同魚水。其間少有私忿者。皆呂社



蘭賈寇之事

以順為正有以致之也獨不見廉蘭賈寇之事乎於時即當去私忿幹公事與浚戮力王室同心恢復擇將任人復父兄之大讎還祖宗之舊物不使王業偏安一隅而豐功盛烈勒諸鼎銘雖方叔召虎不足多讓顧不倖歟今乃不此之務有若庸人孺子瑣瑣爭尚小節鼎亦有所愧焉又況光世驕惰不恤國事宰相非人尚可罷之況一鎮之將乎鼎爭之無謂也故綱目不書日罷趙鼎而日趙鼎罷者所以著其私意自罷而非朝廷罷之也綱目之旨微矣註蘭

見六卷二十七賈寇見二十卷三

陳公輔乞禁程氏之學

綱折彥質罷以張守參知政事綱陳公輔乞禁程氏學詔從之目公輔上疏言今世取程頤之說謂之伊

川之學相率從之倡為大言謂堯舜文武之道傳之



仲尼。仲尼傳之孟軻。孟軻傳之頤。頤死。遂無傳焉。狂言怪語。淫說鄙論。曰此伊川之文也。幅巾大袖。高視闊步。曰此伊川之行也。師伊川之文。行伊川之行。則為賢士大夫。捨此皆非也。乞禁止之。遂詔士大夫之學。宜以孔孟為師。庶幾言行相稱。去聲可濟時用。時方名尹焞。焞。頤門人也。公輔之意。蓋有所指云。

**綱**丁巳七年。

金天會十五年

春正月。以陳與義參知政事。沈

與求同知樞密院事。

**綱**以張浚兼樞密使。

自元豐改官制。樞密

院不置使。至是復置焉。

**綱**何薛還自金。始聞上皇及太后之喪。



帝成服見上何蘇四還始知道君皇帝寧德皇后鄭

氏相繼崩帝成服百官七上表請遵以日易月之制

知嚴州今浙江嚴州府胡寅上疏請服喪三年衣去聲墨臨戎

左傳僖公三十三年子墨衰經注晉文公未葬故襄公稱子以凶服從戎故墨染其衰而加經以化

天下帝欲遂終服張浚言天子之孝不與士庶同必

思所以奉宗廟社稷今梓宮見二卷八未返天下塗炭

願陛下揮淚而起斂髮而趨一怒以安天下之民帝

乃命浚草詔告諭羣臣外朝勉從所請宮中仍行三

年之喪義廣三年之喪自天子達於庶人無容議也高

高宗終喪何足取



年抑末也。

**綱**以秦檜為樞密使。**綱**三月遣王倫如金。

惡何取。

**目**詔以倫為奉迎梓宮使。陛辭帝命謂撻懶曰河南

之地。上國既不有。與其付劉豫。曷若見歸。**綱**三月帝

如建康。以呂祉參謀都督府軍事。張宗元為參議

官。以沈與求知樞密院事。遙尊宣和皇后韋氏

為皇太后。劉光世免。張浚命呂祉節制其軍。**綱**夏

四月岳飛乞終喪。遂還廬山。張浚以張宗元監其軍。

**目**飛自鄂見上十一入見。拜太尉。繼除宣撫使。以王德

瑒兵隸之。帝詔德瑒曰。聽飛號令。如朕親行。飛見帝



飛論恢  
疏

數朔論恢復之略。疏言金人所以立劉豫。蓋欲荼毒

中原。以中國攻中國。彼得以休息。觀釁耳。臣願陛下

假臣日月。提兵趨京洛。汴京洛陽據河陽。今河南懷慶府孟縣陝府

今河南河潼關。在陝西西安府華陰縣東以號召五路叛將。叛將

既還。遣王師前進。豫必棄汴而走。河北京畿陝右。可

以盡復。然後分兵濬滑。俱見七經略兩河。河北河東如此

則逆豫成擒。金人可滅。社稷長久之計。實在此舉。帝

曰。有臣如此。朕復何憂。復召至寢閣。蛤命之曰。中興

之事。一以委卿。飛方圖大舉。會秦檜主和議。忌之。遂



不以德瓊兵隸飛而請詔飛詣張浚議事浚謂飛曰

王德淮西

治河南汝寧府

軍所服浚欲以爲都統而命呂祉

以督府參謀領之如何飛曰德與酈瓊素不相下一

旦擣

晏入聲拔也

之在上則必爭呂尚書

呂祉

不習軍旅恐

不足服衆浚曰張俊楊沂中如何飛曰張宣撫

張俊

飛

之舊帥也其人暴而寡謀沂中視德等耳亦豈能御

此軍哉浚

字然

貌

曰固

知非太尉不可飛曰都督

以正問飛飛不敢不盡其愚豈以得軍爲念哉飛既

與浚忤卽日上章乞終喪服以張憲攝軍事步歸廬



山廬母墓側浚怒遂以張宗元權宜撫判官監其軍

雲閒張氏曰嗚呼天不欲祚宋有賊檜以扼武穆之志焉然觀分注備載張浚武穆之事則知武穆以公道待浚浚以私意窺武穆張浚忌刻殘忍人也武穆守道篤信者也豈可同日語哉綱目大書岳飛乞終喪制遂還廬山則其見幾明決之義昭矣繼書張浚以張宗元監其軍則其以私滅公之意顯矣

綱五月召胡安國提舉萬壽觀貫兼侍讀未至而罷

目張浚薦安國見上卷帝召之將行聞陳公輔乞禁

胡安國諫  
禁程氏之

學

程頤之學乃上疏曰孔孟之道不傳久矣自頤兄弟始發明之然後知其可學而至今使學者師孔孟而



禁從頤學。是入室而不由戶也。自嘉祐仁宗年號以來。頤

與兄顥及邵雍張載皆以道德名世。著書立言。公卿

大夫所欽慕而師尊之。及王安石蔡京等曲加排抑

故其道不行。望下禮官討論故事。加之封爵。載在祀

典。仍照館閣哀陪聚也其遺書羽翼六經。使邪說者不

得作。而道術定矣。疏入。公輔與中丞周秘侍御史石

公揆交章論安國學術頗坡僻除知永州。今湖廣永州府安

國辭。遂復與祠。**綱**六月。沈與求卒。**綱**岳飛奉詔入朝。

遂遣還鎮。**目**累詔趣促飛還職。飛不得已趨朝待罪。



帝慰遣之。及張宗元還言。將和士悅。人懷忠孝。皆飛

訓養所致。帝大悅。飛至鎮。奏言。比者寢閣之命。見上十七

咸謂聖斷已堅。何至今尚未決。臣願提兵進討。順天

道。因人心。以曲直為老壯。左傳。僖公二十八年。師直為壯。曲為老。以逆

順為強弱。萬全之效可必。錢塘。今浙江杭州府錢塘縣。臨安治也。僻

在海隅。非用武地。願建都上游。用漢光武故事。親率

六軍往來督戰。庶將士知聖意所向。人人用命。**綱**秋

八月。以張浚為淮西宣撫使。**綱**召淮西副統制酈瓊

赴行在。瓊以眾叛降劉豫。執呂祉殺之。時以王德為淮西都統制。

武穆先見



吳氏死節

張浚薦趙鼎

鄺瓊副之。瓊與德素不相下。及呂祉還朝。德瓊列狀交訴於都督府及御史臺。乃召德還建康。而命楊沂中為淮西制置使。劉錡副之。往屯廬州。祉復至廬州。瓊又訟德。祉密奏乞罷瓊兵權。書吏漏語於瓊。瓊遂謀叛。渡淮降劉豫。執祉殺之。時有得祉括髮之帛歸吳中者。祉妻吳氏持帛自縊。以徇葬。聞者哀之。**綱**

九月。張浚免罷都督府。**目**浚總中外之政。幾事叢委。去聲。以一身任之。每奏對。必言讎恥之大。帝未嘗不改容涕洟。刺。自目曰洟。事無巨細。必以咨浚。及鄺瓊叛。呂祉死。浚因引咎力求去。帝問誰可代者。且曰秦檜何如。浚曰。近與共事。方知其闇。帝曰。然則用趙鼎爾。浚曰。得之矣。檜由是憾浚。浚遂奉祠而都督亦罷。**綱**



趙鼎張浚

以趙鼎爲尚書左僕射。同平章事兼樞密使。綱冬。十月。安置張浚于永州。曰浚既去位。言者論之不已。欲遠竄之。會趙鼎乞降詔安撫淮西。帝曰。俟行遣張浚。朕當下罪己之詔。鼎言浚已落職。帝曰。浚罪當遠竄。鼎曰。浚母老。且有勤王功。帝曰。功過自不相掩。已而內批出浚謫嶺南。治廣東廣州府鼎固不下。詰乞旦。明旦也。約同列救解。帝怒未釋。鼎力懇曰。浚罪不過失策爾。凡人計慮豈不欲萬全。倘因一失。便置之死地。後有奇謀祕計。誰復敢言者。此事自關朝廷。非獨私浚也。張



守亦以為言。帝意解。遂以祕書少監分司西京。洛陽

州

今湖廣  
宋州府

居住。李綱

見上

聞之。馳奏曰。浚措置失當。

誠為有罪。然其區區徇國之心。有可矜者。願少寬假。

以責來效。不報。**綱**。閏月。以尹焞為崇政殿說書。**目**。初

焞被召。

見上

以疾辭。范冲奏給五百金為行資。命漕

臣至涪。

見上

親遣焞始就道。會陳公輔攻程氏之學。

焞至九江。

今江西  
九江府

遂畱不進。張浚言焞拒劉豫之節。

且其所學所養。有大過人者。乞令江州。

即九

守臣疾

速津送。焞至建康。見上復以疾辭。帝曰。焞可謂恬退。



矣趣促召人見命為祕書郎兼說書綱張俊棄盱眙

八見上還建康綱金人襲汴汴州今河南開封府執劉

豫廢為蜀王立行臺尚書省于汴韓世忠岳飛請伐

金收復中原不報綱十二月王倫還自金尋復遣之

目倫還入對言金人許還梓宮及太后且許歸河南

地帝喜曰若金人能從朕所求其餘一切砌非所較

也逾五日復遣倫奉迎梓宮於金

綱戊午八年金天眷元年春正月張守罷目帝議還臨安

張守言建康自六朝孫吳東晉宋齊梁陳為帝王都氣象雄偉



胡安國進  
春秋傳

且據都會以經理中原。依險阻以捍禦強敵。陛下席  
未及暖。今又巡幸。百司六軍有勤動之苦。民力邦用  
有煩費之憂。願少安於此。以繫中原民心。趙鼎不可  
守。遂求去。出知婺州。見上卷六**綱**二月。胡安國進春秋傳。  
詔加安國寶文閣直學士。**目**自王安石廢春秋。不列  
於學宮。安國謂先聖手所筆削之書。天下事物無不  
備於此。乃傳心之要典也。而人主不得聞講說。學士  
不得相傳習。亂倫滅理。用夷變夏。殆由乎此。因潛心  
二十餘年。著春秋傳。以成其志。至是上之。帝謂深得

勸良佐稱  
文定

聖人之旨。詔進一官。命未下而卒。賜諡文定。安國彊  
學力行。以聖人爲標的。志於康濟斯民。見中原淪沒。  
遺黎塗炭。常若痛切其身。雖數朔以罪去。愛君憂國。  
還而彌篤。風度凝遠。視天下萬物。無一足嬰繫其心。  
自渡江以來。儒者進退合義。以安國尹焞爲稱首。謝  
良佐嘗語去聲人曰。胡康侯安國字如大冬嚴雪。百草萎  
枯也。死而松柏挺然。獨秀者也。

靜軒周氏曰。春秋孔子之刑書。示百王之大法。  
寓褒貶之至公。苟非發明其顯微。何以闡揚其  
奧旨。左氏有傳。泛而不切。穀梁有傳。直而不精。  
皆未足以發明之也。安國潛心二十餘年。作爲



春秋傳為  
高宗所作

高宗無意  
中原

本傳其間微顯闡幽提綱挈目誠有益於治天下國家之良規也所謂尊君父討亂賊闢邪說正人心用夏變夷大法略具庶幾聖王經世之志亦有補云之意耳雖然安國春秋之傳蓋為高宗而作也使其讀此能知大義漢起復讎之志恢弘攘狄之心詎可北面而事虜哉惜其蔽固已深終莫能悟也綱目書此蓋深美之

綱帝定都臨安曰帝自建康至臨安見七八自是始

定都矣明發鳴呼高宗至是誠無意於中原矣苟有志

則都維揚今而定都杭州僻處海角則栖栖然苟安

之意見矣諸葛武侯曰漢賊不兩立王業不偏安高

宗寧忍棄祖宗之土地忘父母之仇讎而偷安綱三

於一時也耶直書定都不再貶而其義自見

月以劉大中參知政事王庶為樞密副使綱以秦檜

趙鼎薦秦  
檜  
晏敦復先  
見

為尚書右僕射。同平章事。兼樞密使。目初張浚嘗與  
趙鼎論人才。浚極稱檜善。鼎曰。此人得志。吾輩無所  
措足矣。及鼎再相。檜在樞密。一惟鼎言是從。鼎由是  
深信之。言檜可大任於帝。而不知為檜所賣也。檜既  
相。制下。朝士相賀。獨吏部侍郎晏敦復有憂色。曰。姦  
人相矣。聞者皆以其言為過。綱陳與義罷。綱夏四月。  
詔王庶視師江淮。目庶至淮。汴水在江  
南鳳陽府。上遂移張俊  
下張宗顏軍淮西。治河南  
汝寧府。巨師古屯太平州。見七八  
卷二五  
分韓世忠二軍屯天長。見上卷  
二五泗州。見上  
九緩急為聲。



援以劉錡軍駐鎮江

見上八

以固根本

**綱**五月王倫偕

金使來**綱**倫至會寧

金舊都今盛京奉天府開原縣

見金主首謝廢

劉豫次致使指會撻懶自河南還言於金主請以廢

齊

劉豫

舊地與宋金主命羣臣議蒲盧虎議以河南陝

西地與宋遂遣倫及其太原少尹烏陵思謀太常少

卿石慶來議事

**綱**

六月賜衍聖公孔玠衢州

今浙江衢州府

田

凡五頃以奉先聖祠事時玠僑於衢也

**綱**

秋七月彗星

見五卷十三

**綱**

王倫復如金

秦檜復請遣倫如金定和議也

**綱**八月金始頒行官制

置三師三公三省六曹臺院寺監等官

**綱**

金以會寧為上京臨潢

黃府

秦檜薦蕭振

為北京。會寧。即海古地。金之舊土。初稱內地。至是

升為上京會寧府。改遼上京臨潢府。在奉天府遼陽州城北潢水南

為北京。而東京遼陽。西京大同。今山西大同府。南京大興。今直隸順天府

大興縣。卷七十五。則仍舊云。綱。冬十月。

罷參知政事劉大中。大。中與趙鼎不主和議。秦檜

忌之。薦蕭振為侍御。振入臺。即劾大中罷之。鼎曰。振

意不在大中也。振亦謂人曰。趙丞相不待論。當自為

去就矣。綱。趙鼎罷。初。中書舍人潘良貴以戶部侍

郎向子諲。因奏事久。吐之退。帝欲抵良貴罪。中丞常



秦檜畱身  
奏事

同爲之辨。帝欲併逐同。鼎奏子諲雖無罪。而同與良  
貴不宜逐。帝不從。命下給事中張致遠。謂不應以一  
子諲出二佳士。不書黃。不草制也帝怒。顧鼎曰。固知致遠  
必繳駁。鼎問何也。帝曰。與諸人善。蓋已有先入之言。  
由是不樂鼎。秦檜繼畱身奏事。及出。鼎問帝何言。檜  
曰。上無他。恐丞相不樂耳。鼎乃引疾求罷。且言臣議  
論出處與劉大中同。大中去。臣何可畱。乃出知紹興  
府。見上入辭。言於帝曰。臣去後。必有以孝悌之說脇  
制陛下者。將行。檜率執政餞之。鼎不爲禮。一揖而去。

今日如人  
患羸

檜益憾之。鼎自再相。無所施為。或以為言。鼎曰。今日

之事。如人患羸。雷。瘦。病也。當靜以養之。若復攻。灸。斲。平。

聲。以石。鍼刺病。必損元氣矣。後王庶入對。帝曰。趙鼎兩為

相。於國有大功。再贊親征。皆能決勝。又鎮撫建康。回

鑾無虞。他人所不及。綱。以句。鉤。龍。復。姓。如淵。為御史中。

丞。曰。先是宰執入見。秦檜獨畱身言。臣僚畏首尾。左。傳。

文公十七年。畏首。畏尾。身其餘幾。多持兩端。見三十。卷二十。此不足以論大

事。若陛下決欲講和。乞專與臣議。勿許羣臣預。帝曰。

朕獨委卿。檜曰。臣恐不便。望陛下更思三日。檜復畱

秦檜畱身  
奏事者三



句龍如淵  
為秦檜謀

身奏事。帝意欲和甚堅。檜猶以為未也。復進前說。又三日。檜復畱身奏事如初。知帝意不移。乃始出文字乞決和議。然猶以羣臣為患。中書舍人句龍如淵為檜謀曰。相公為天下大計。而邪說橫起。盍不擇人為臺諫。使盡擊去。則事定矣。檜大喜。即擢如淵為中丞。劾異議者。卒成其志。**綱**金以張通古為江南詔諭使。來言歸河南陝西之地。與王倫偕來。**目**先是王倫使金。從趙鼎受使指。鼎言問禮數。則答以君臣之分已定。問地界。則答以大河為界。二事使者之大指。或不從。則

韓世忠四  
上疏

已。倫受命而行。至是倫還有詔諭江南之名。帝歎息  
謂主庶曰。使五日前得此報。趙鼎豈可去邪。初秦檜  
主和議。命韓世忠移屯鎮江。世忠言金人詭詐。恐以  
計緩我師。乞畱此軍。蔽遮江淮。因力論和議之非。且  
請單騎詣闕面奏。帝不許。及張通古來。以詔諭爲名。  
世忠四上疏。言不可從。願舉兵決戰。兵勢最重處。臣  
請當之。且言金人欲以劉豫相待。舉國士大夫盡爲  
陪臣。恐人心離散。士氣凋沮。不報。

靜軒周氏曰。不著國號。而曰江南。不曰通問。而  
曰詔諭。不曰來聘。而曰來言。綱目略無隱諱者。



廉恥道喪

三綱掃地

曾開不章  
國書

罪宋也。高宗忘父母之大讎。信姦臣之欺。已排斥正士。銳意和戎。而以詔諭為名。縱復河南陝西之地。得不償失。屈辱益甚。知來言而未來歸者乎。宋人廉恥道喪。國不成國。君不成君。臣不成臣。而三綱於是掃地矣。雖得天下。其可以一朝居哉。

綱十一月以孫近參知政事。綱罷直學士院。曾開詔羣臣議和金得失。貶樞密院編脩官胡銓。監廣州都鹽倉。臣禮部侍郎兼直學士院曾開當草國書辨視體制。非是論之不聽。遂請罷。改兼侍講。秦檜以溫言慰之曰。主上虛執政以待開。曰。儒者所爭在義。苟為非義。高爵厚祿弗顧也。願聞所以事敵之禮。檜曰。

若高麗之於本朝高麗主一宋主其開曰主上以盛德

登大位公當強兵富國尊主庇秘民奈何自卑辱至

此非開所聞也復引古誼折之檜大怒曰侍郎知故

事檜獨不知也開又詣都堂問計果安出檜曰聖意

已定尚何言公自取大名而去如檜但欲濟國事耳

然猶慮羣言乃詔金國遣使入境欲朕屈已受和在

朝侍從臺諫其詳思條奏和好去聲得失於是開與從

官張燾晏敦復魏石羌李彌遜尹焞梁汝嘉樓炤蘇

符薛徽言御史方廷實館職胡瑄澄朱松張擴凌景

張燾等十  
九人極言  
不可和



李綱諫和議疏

夏常明范如圭馮時中許忻趙雍皆極言不可和。提  
舉洞霄宮李綱亦上疏言。朝廷使王倫使金國奉迎  
梓宮往還屢矣。今倫之歸與虜使偕。乃以詔諭江南  
爲名。不著國號。而曰江南。不云通問。而曰詔諭。此何  
禮也。臣在遠方。見上不知其曲折。然以愚意料之。虜  
爲此名。以遣使。其要邀求有五。必降詔書。欲陛下屈  
體降禮以聽受。一也。必有赦文。欲朝廷宣布頒示郡  
縣。二也。必立約束。欲陛下奉藩稱臣。稟其號令。三也。  
必求我賂。廣其數目。使我自困。四也。必求割地。以江

南爲界五也此五者朝廷從其一則大事去矣金人

變詐不測貪恡

同婪盧舍反恡亦貪也左傳僖公二十四年狄人固貪恡主又啓之

無厭縱使聽其詔令奉藩稱臣其志猶未已必繼有

號召或使親迎梓宮或使單騎入覲或使移易宰相

或使改革政事或竭取賦稅或朘

宜削前漢書董仲舒傳民曰朘

削土字從之則無有紀極一不從則前功盡廢反爲

兵端以爲權時之宜聽其邀求可無後悔者非愚則

誣也疏入不省胡銓抗疏言曰臣謹按王倫本一狎

邪小人市井無賴頃緣宰臣無識舉以使虜專務詐

胡銓抗疏  
諫和議



誕欺罔天聽驟得美官天下之人切齒唾罵今者無  
故誘致虜使以詔諭江南爲名是欲臣妾我也是欲  
劉豫我也陛下奈何以祖宗之天下爲金虜之天下  
以祖宗之位爲金藩臣之位陛下一屈膝則祖宗廟  
社之靈盡汚夷狄祖宗數百年之赤子盡爲左衽朝  
廷宰執盡爲陪臣天下士大夫皆當裂冠毀冕變爲  
胡服異時豺狼無厭之求安知不加以我以無禮如劉  
豫也哉今倫之議曰我一屈膝則梓宮可還太后可  
復淵聖欽宗可歸中原可得嗚呼自變故以來主和議

者誰不以此說喻

淡○餌之也

陛下哉。然而卒無一驗。則

虜之情偽已可知矣。而陛下尚不覺悟。竭民膏血而不恤。忘國大讎而不報。含垢忍恥。舉天下而臣之。甘心焉。就令虜決可和。盡如倫議。天下後世謂陛下何如主。況虜變詐百出。而倫又以奸邪濟之。梓宮決不可還。太后決不可復。淵聖決不可歸。中原決不可得。而此膝一屈。不可復伸。國勢陵夷。見五二卷十六不可復振。可爲痛哭流涕。長太息矣。臣竊謂不斬王倫。國之存亡未可知也。雖然。倫不足道也。秦檜以腹心大臣而



亦爲之。陛下有堯舜之資，檜不能致君如唐虞而欲

導陛下如石晉。五代晉石敬瑭臣事契丹。孫近傳附會檜議，遂得

參政，伴食中書，漫不敢可否事。檜曰：「可。」近亦曰：「可。」

和。檜曰：「天子當拜。」近亦曰：「當拜。」嗚呼！參贊大事，徒取

充位如此。有如虜騎長驅，尚能折衝禦侮邪？武臣折衝日禦

侮詩大雅予臣竊謂檜近亦可斬也。臣備員樞屬，義

不與檜等共戴天。區區之心，願斷短三人頭，竿之藁

街。在陝西西安府長安縣南門內舊有蠻夷邸。然後羈雞，畱虜使，責以無

禮。徐興問罪之師，則三軍之士不戰而氣自倍，不然

臣有赴東海而死。見七卷八寧能處小朝廷求活邪。書上

檄以銓狂妄凶悖。鼓衆劫持。詔除名。編管昭州。今廣西平

樂給舍。給事中及中書舍人臺諫及朝臣多救之。檄迫於公論。

翌日改銓監廣州。今廣東廣州府都鹽倉宜興。今江西南常州府宜興縣

進士吳師古。侵尖二音其書於木。金人募之。千金

朝士陳剛中以啓事賀銓之謫。師古坐流袁州。今江西袁

州剛中謫知虔州。今江西贛州府安遠縣。屬贛州府皆死焉。晏敦

復謂人曰。頃言檄姦。諸君不以爲然。今方專國便敢

爾。他日何所不至邪。**綱**王庶罷。庶言虜不可和。上疏者七。秦檜緘其說。遂

吳師古



罷為資政殿學士知潭州

綱十二月以李光參知政事

秦檜既定和議將揭

榜以吏部尚書李光有人望欲藉之綱以韓肖胄簽同押榜以息浮議乃請於帝而用之

書樞密院事

綱已未九年

金天眷二年

春正月大赦以金國通和

赦江南新復州軍直學士院樓炤草赦文略曰乃上

穹

天也天形開悔禍

傳隱公十一年天其以禮悔禍

於之期而大金報許和之約割河南之境土歸我與

圖戢宇內之干戈用全民命張浚在永州

見上上疏

言燕雲

見七卷

之舉其鑒不遠虜自宣和

徽宗年號以來

張浚疏諫和議

挾詐反覆傾我國家蓋非可結以恩信者。借令虜中有故。上下紛雜。夫屬盡歸。河南遂復。我必德其厚。賜謹守信誓數年之後。人情益解。目士氣漸消。彼或內變。既平。指瑕造孽。肆無厭之欲。發難從之請。其將何辭以對。顧事理可憂。又有甚於此者。陛下積意兵政。將士漸孚。一旦北面事虜。聽其號令。小大將帥孰不解體。蓋自堯舜以來。人主奄忽也又有天下。非兵無以立國。未聞委質。見五可以削平禍難者也。前後凡五上疏。皆不報。岳飛在鄂州。見上聞金將歸河南地。



上言金人不可信和好不可恃相臣謀國不臧恐貽

布飛力陳  
和議之非

後世譏秦檜銜

憾也

之及赦至鄂飛又上疏力陳和

議之非至有願定謀於全勝期收地於兩河

河北河東

唾手燕雲終欲復讎而報國誓心天地尚合稽首以

稱藩之語疏入檜益怒遂成讎隙和議成例加爵賞

飛加開府儀同三司力辭言今日之事可危而不可

安可憂而不可賀可訓兵飭士謹備不虞而不可論

功行賞取笑敵人三詔不受帝溫言獎譽聲之飛乃

受命吳玠在熙州

見七一  
卷十七熙河

其幕

莫客

幕府之客

擬為賀

范如圭以  
書責秦檜

表璘秋情然悚動曰在朝廷休兵息民誠天下慶璘  
等叨竊不能宣國威靈亦可愧矣但當待罪稱謝可  
也綱二月遣判大宗正事士儂鳥兵部侍郎張燾詣  
河南脩奉陵寢國初史館校勘范如圭以書責秦檜  
力諫和議忘讎辱國之罪且曰公不喪心病狂奈何  
爲此必遺臭萬世矣及金人歸河南地檜方自以爲  
功如圭入對言兩京之版圖旣入則九廟八陵瞻望  
咫尺今朝陵之使未還何以尉用靈萃民志乎帝泫  
然曰非卿不聞此言即日遣士儂等往檜以如圭不



趙鼎薦尹焞

先白已益怒如圭遂謁告去。綱以尹焞提舉萬壽觀  
兼侍講。辭不拜。固先是資善堂見上翊善宋震疾  
亟薦焞自代帝恹然曰楊時物故胡安國與震又亡  
朕痛惜之趙鼎曰尹焞問學淵源可以繼震乃除焞  
太常少卿兼崇政殿說書至是改命焞以和議爲非  
固辭不拜。綱以王倫爲東京留守命倫交綱以吳  
玠爲四川宣撫使。玠與金人對壘且十年常苦遠  
餉勞民屢汰冗員節津費益治屯田和議之成帝以  
玠功高授開府儀同三司四川宣撫使陝西階成見上

卷五等州皆聽節制遣內侍奉手札以賜至則玠病甚

扶掖受命綱三月王倫至汴金人歸河南陝西之地

兀術遂自祁州渡河而綱以樓焰簽書樞密院事夏

四月命焰宣諭陝西綱焰至鳳翔今陝西承制以楊

政為熙河見上經略使吳玠為秦鳳見卷三經略使

屯內地以保蜀郭浩為鄜延見上經略使屯延安以

守陝焰倚秦檜勢妄自尊大且好貨失將士心綱罷

權吏部尚書晏敦復綱和議之初敦復力詆屈已之

非秦檜使人誅誅也之曰公若曲從兩府中書旦夕



薑桂之性  
到老愈鮮

李世輔忠  
義

綱鑑易知錄

卷八

三

可至敦復曰吾終不以身計而誤國家況吾薑桂之性到老愈鮮請勿復言檜卒不能屈權吏部甫除月

罷知衢州見上五月李世輔自夏來歸賜名顯忠

世輔緩德青澗人自唐以來世襲蘇尾九族都巡檢使世輔年十七隨父永奇出入行陣金人陷延安援未奇父子官末奇聚泣曰我宋臣也世襲國恩乃為彼用邪會劉豫令世輔帥馬軍赴東京乃密遣其客雷燦以蠟書赴行在及豫廢兀術授世輔知同州以計執金徽商喝欲歸朝金兵追之急乃縱之世輔攜老幼長驅而北至鄜城縣急遣人告末奇末奇即挈家出城至馬翅谷為金人所及家屬三百口皆遇害世輔奔夏夏人問其故世輔具言父母妻子之亡切齒疾首願得二十萬人生擒徽商喝取陝西五路歸於夏夏主以世輔為延安招撫使世輔至延安揭榜招兵行至鄜州吳玠遣詣樓煥於長安煥送之朝世

吳玠將略

吳玠身當  
蜀衝

輔乃率部下三千南來。帝撫勞再三，賜名顯忠。**綱**夏主乾順卒，子仁孝立。仁孝改元大慶號。**綱**開府儀同三司四川宣撫使吳玠卒。乾順日崇宗。

**玠**善讀史，凡往事可師者，錄置座右，積久牆牖皆

格言也。用兵本孫吳，見七六卷三四務遠略，不求近小利，故

能保必勝。御下嚴而有恩，虛心請受，雖身為大將，卒

伍最下者，得以情達，故士樂為去聲之死，選用將佐，視

勞能為高下先後，不以親故權貴撓之。卒年四十七。

贈少師，諡武安，自富平之敗，見七八卷三二金人專意圖蜀。

玠身當其衝，無蜀久矣，故西人思之，立祠以祀。**綱**



張燾直言

士儼張燾還自河南出燾知成都府。張燾奏疏曰。

金人之禍上及山陵。

太祖宋昌陵而下皆遇發掘而哲宗宋泰陵至暴露雖殄

滅之未足以雪此恥。復此讎也。必不可恃和盟而忘。

復讎之大事。帝問諸陵寢何如。燾不對。唯言萬歲不。

可忘此賊。帝默然。

深慘貌

秦檜患之。出燾知成都府。

今四

川省治

綱秋七月。以胡世將為四川宣撫副使。世將

精神明悟。閑習吏治。初除宣撫。諸將皆賀。世將語

去聲

之曰。世將不習騎射。不知虜情。朝廷所以遣來者。襲

國家故事。以文臣為制將。爾軍事一無改。吳宣撫之。

胡世將不改吳盼之

金人執于倫

規各推誠心共濟國事可也。諸將皆拜謝。金宋王

蒲盧虎等謀反伏誅。金蒲盧虎自以太宗長子跋扈

附之。撻懶方持兵柄遂相與謀反事覺蒲盧虎

金人執之。兀術言於金主曰。撻懶蒲盧虎主割

河南與宋必有陰謀。今宋使在汴。勿令踰境。倫聞之

即遣介副使具言於朝。會孟庾至汴。時秦檜以孟庾

倫即解解留守將使指赴金國議事。行至中山

今直隸真定府會撻懶等反。金人執之。乃遣副使藍公佐

還議歲貢正朔誓命等事。及索河東北士民之在南



者而徙倫拘於河間今直隸河間府以待報命之至時皇后

邢氏崩於五國城見七入卷三一金人祕之圖金以撻懶杜

充為行臺左右丞相八月撻懶以謀反誅圖冬十二

月李光罷圖光初謂可因和為自治之計故署榜不

辭見土及秦檜議撤淮南守備奪諸將兵權光始極

言和不可恃備不可撤檜惡之光復折檜於帝前曰

檜懷姦誤國不可不察檜大怒光遂求去圖蒙古襲

敗金人於海嶺金胡沙虎將其攻蒙古蠟盡而還蒙古追襲之大敗其衆於海嶺○蒙古

胡沙虎俱圖書之所以志見上入國之本

終

尺木堂綱鑑易知錄

周之炯靜專

綱目續編定本

山陰吳乘權楚材同輯

周之燦星若

南宋紀

高宗皇帝

綱庚申十年

金天眷三年

春正月遣工部侍郎莫將等使

金

初將為司農丞附秦檜力贊和議至是以綱觀文

將為工部侍郎充迎護梓宮奉迎兩宮使

臨洮府

公李綱卒

綱卒於福州

今福



建福  
州府

年五十八。贈少師諡忠定。綱負天下之望。以一

身用舍。為社稷生民安危。雖身或不用。用且不久。而

其忠誠義氣。凜然動乎遠邇。每使者至。金人必問

李綱趙鼎安否。其為遠人所畏服如此。

李綱  
世  
偉人

趙鼎  
定論

朱子曰。綱之為人。知有君父。而不知有身。知天下之有安危。而不知其身之有禍難。雖以讒間竄斥。屢瀕九死。而其愛君憂國之志。終有不可奪者。可謂一世之偉人矣。史臣曰。以綱之賢。使得畢力殫慮於靖康建炎間。莫或撓之。二帝何至於北行。而宋豈至為南渡之偏安哉。雲間張氏曰。分注云。金人必問李綱趙鼎安否。蓋言其齊等故也。臣謂趙鼎大純而小疵。李綱純乎純者也。觀鼎變夫定都之議。與夫不能察檜之奸。蓋可見矣。

綱夏四月韓肖胄罷。綱五月金元朮撒离喝分道入

寇元朮自黎陽趨河南撒离喝出河中趨陝西復陷河南陝西州郡。秦

檜以其言不讎答也詩大雅抑之篇無言不讎甚懼謂給事中馮檣

相曰金人背盟我之去就未可卜前此大臣皆不足

慮獨君鄉向浚獨慮君意向張浚未測上意然上意不可測君其為

我探之檣入見曰金人長驅犯順勢必與師如張浚

者且須以戎機付之帝正色曰寧至覆福國不用此

人檣聞之喜。綱詔吳玠同節制陝西諸軍六月玠敗

金人于扶風今陝西鳳翔府扶風縣復其城撒离喝走鳳翔由是

高宗誓不用張浚



劉錡順昌之捷

金人不敢度隴分屯綱東京副留守劉錡大敗金人之軍得全師而還  
于順昌元术走汴目初錡赴東京汴至渦口見上卷十一  
方食忽暴風拔坐帳錡曰此賊兆也主暴兵即下令  
兼程而進聞令人敗盟南下錡與將佐舍舟陸行至  
順昌城下諜之細作今報東京已陷因與知府陳規議  
斂兵入城為守禦計乃寘置家寺中積悉薪於門戒  
守者曰脫有不利即焚吾家毋辱敵手也於是軍士  
皆奮時守備一無可恃錡於城上躬自督勵取劉豫  
時所造癡車以輪轆埋城上又撤民戶扉周匝蔽之

直用韓尖  
趨

浮橋濟敵

凡六日粗畢而金兵遂圍城。錡募壯士五百夜所酌

斬其營。是夕天欲雨。電光四起。見辯聲。髮者輒殲

殺也。盡之敵衆大亂。終夜自戰。積屍盈野。退兵老婆

灣。兀朮在汴聞之。即索韓靴本。上馬。帥十萬衆來援。

錡遣耿訓約戰。兀朮怒曰。以吾力破汝城。直用韓尖

趨。同倒耳。訓曰。太尉非但請戰。且謂太子必不敢濟

河。願獻浮橋五所。濟而大戰。遼明猶黎。錡果爲五浮

橋於潁河。在鳳陽府太和。上。且毒潁上流。及草中。戒

軍士雖渴死。毋飲於河。時大暑。敵遠來疲弊。人馬飢



密奏  
煥皓自金

渴。食水草者輒病。鎡士氣閒暇。軍皆番休。更番休息方晨氣清涼。按兵不動。敵力疲氣索。乃出接戰。敵大敗。元术拔營去。車旗器用積如山阜。元术平日所恃以為强者十損七八。遂還汴。既而洪皓見七八卷十七自金密奏順昌之捷。金人震恐喪魄。燕山見上卷二之重寶珍器悉徙而北。意欲捐燕以南棄之。故議者謂是時諸將協心分路追討。則元术可擒。汴京可復。而王師亟還。自失機會。良可惜也。**綱**岳飛遣兵敗金人于京西。**目**帝賜飛札曰。設施之方。一以委卿。朕不遙度。飛乃遣王

貴牛皐楊再興李寶等分布經略西京諸郡。又命梁

興渡河。糾合忠義社。取河東北州縣。又遣兵東援劉

錡。西援郭淮。自以其車長驅以闚苦濫反中原。將發

密奏言。先正國本。以安人心。然後不常厥居。以示無

忘。復讎之意。飛將李寶牛皐相繼敗金人於京西。**綱**

樓炤罷。**綱**遣使諭岳飛班師。時秦檜力主和議。奏遣

班師**綱**閏月。金人寇涇州。今陝西平涼府涇州經略使田晟

破走之。**綱**岳飛收復河南州郡。**綱**韓世忠遣兵復海

州。**綱**世忠使王勝等復海州。屬江南父老哀栢金

岳飛將京西之捷

田晟涇州之捷



耕夫荷鋤  
觀軍

夜又未易  
當

帛以犒軍。勝不受。世忠每出軍，必戒以秋毫無犯。軍

之所過，戔耕夫皆荷鋤而觀。**綱**張俊使王德復宿州

金人棄毫而遁。俊入毫，遽還壽春。**目**俊遣統制王德

復宿州。金守將馬秦降。宿州屬江南鳳陽府平。德乘勝趨毫

州。屬鳳陽府與俊會於城父。在亳州南。故城。時鄺瓊見上卷十九與

葛王烏祿在毫，聞德至，曰：「夜又未易當也。」即遁去。德

入亳州，請於俊曰：「今兵威已振，請乘勝進取。」俊不從。

而還壽春。今鳳陽府壽州初，德以十六騎徑入隆德府。今山西潞

安縛金守臣姚太師獻於朝。欽宗問狀，姚對曰：「臣就

王夜叉

縛時止見夜叉耳由是人呼為王夜叉

于潮州潮州府秦檜惡鼎居越越州即紹興府伯已徙知

泉州泉州府又諷司諫謝祖信等論鼎嘗受張邦昌

偽命遂奪節提舉洞霄宮鼎自泉還復上書言時政

檜忌其復用又諷中丞王次翁論其乾干沒都督府

錢十七萬緡民。錢。謫官居興化軍。次翁及

右諫議大夫何鑄論之不已乃貶清遠軍節度副使

潮州今廣東潮州府安置綱秋七月以王次翁參知政事

秦檜薦次翁為中丞故凡可以為檜地者無不力為



岳飛郾城之捷

之及金人敗盟帝下詔罪狀兀朮次翁懼檜得罪因  
奏曰前日國是初無主議事有小變更用他相後來  
者未必賢而排黜異黨紛紛累月不能定願陛下以  
爲至戒帝深然之檜德其言遂引同列由是益安據  
其位公論不能撼搖矣綱岳飛擊走金兀朮于郾  
城追至朱仙鎮大破之遣使脩治諸陵臣飛留大軍  
於穎昌今河南開封府許州命諸將分道出戰自以輕騎駐郾  
城今開封府郾城縣兵勢甚銳胃兀朮大懼合龍虎大王蓋  
天大王及韓常之兵逼郾城飛遣子雲領騎兵直貫

岳飛破拐  
子馬

其陣戒之曰。不勝先斬汝。雲與金人戰數十合。金人  
布野兀木以拐非上聲子馬萬五千來飛戒步卒以麻  
札刀入陣。勿仰視。第斫斫也馬足。拐子馬相連。一馬  
仆。二馬不能行。飛軍奮擊。遂大破之。兀木大慟曰。自  
海上起兵。皆以此勝。今已矣。因復益兵而前。飛自以  
四十騎突戰。敗之。兀木夜遁。追奔十五里。中原大震。  
飛謂子雲曰。賊屢敗。必還攻潁昌。汝宜速援王貴。既  
而兀木果至。貴將遊奕。見七卷三四雲將背鬼。見七卷二五戰  
於城西。雲以騎兵八百挺前決戰。步卒張左右翼繼



之殺兀朮壻夏金吾飛又使梁興會太行見上卷忠

義見同

兩河

河北河東

豪傑敗金人於垣曲

今山西平陽府垣曲縣

又敗之於沁水

見二二卷十三

遂復懷衛州

見七七卷十六

斷金

人山東河北之道金人大恐飛進軍朱仙鎮在開封府城西

距汴京四十五里與兀朮對壘而陣遣背嵬騎五百

奮擊大破之兀朮還汴飛檄

吸文也

移陵臺令行

上見

巡視諸陵葺治之綱以楊沂中為淮北宣撫副使劉

也

綱岳飛奉詔班師還鄂河南州郡復陷于金目

岳飛奉詔班師

兩河豪傑李通等帥眾歸飛由是金人動息山川險

要飛皆得其實中原盡磁見五二相見同澤潞見七

十晉見同終見七七汾見同隰見同之境皆期日興

揭旗以岳為號

兵與官軍會其所揭旗以岳為號父老百姓爭挽車

牽牛載糗糧以饋義軍頂盆焚香迎候者充滿道路

自燕見上以南金人號令不行元本欲僉軍以抗飛

河北治直隸大名府無一人應者乃歎曰自我起北方以來

未有如今日之挫衄肉傷金將烏陵思謀素驍勇桀

待岳家軍來即降

黠開入聲亦不能制其下但諭之曰毋輕動待岳家

軍來即降金將王鎮崔慶李覲記崔虎華旺等皆率



直抵黃龍  
府痛飲

一日奉十  
金字牌

所部降飛龍虎大王之將欣入查等亦密受飛旗  
榜自其國來降韓常亦欲以衆五萬內附飛大喜語  
其下曰直抵黃龍府見七十五卷十一與諸君痛飲耳方指日  
渡河而秦檜欲畫淮淮水在江南鳳陽府以北與金和諷臺臣  
請班也還師飛奏金人銳氣沮喪盡棄輜重載衣物車疾走  
渡河而我豪傑向風士卒用命時不再來機難輕失  
檜知飛志銳不可回乃先請張俊楊沂中等歸而後  
上言飛孤軍不可久留乞連詔還飛一日奉十二金  
字牌乃憤惋泣下東面再拜曰十年之力廢於一旦

書生叩馬  
說元木

書生至言

乃自郾城引兵還民遮馬痛哭訴曰我等迎官軍金  
人皆知之相公去我輩無噍類見三五卷矣飛亦悲泣  
取詔示之曰我不得擅留哭聲振野飛留五日以待  
民徙從而南者如市飛亟奏以漢漢水在湖廣襄陽府上六郡  
開田處之初元木敗於朱仙欲棄汴而去有書生  
叩馬曰太子毋走岳少保且退元木曰岳少保以  
五百騎破吾十萬京城汴京日夜望其來何謂可守  
生曰自古未有權臣在內而大將能立功於外者岳  
少保且不免況欲成功乎元木悟遂留不去及飛還



兀術遣兵追之不及而河南新復府州皆復爲金有

飛至鄂

見上卷

力請解兵柄不許已而入覲帝問之

飛拜謝而已

靜軒周氏曰嗚呼宋事至此浸不可爲矣是時諸將進取所向有功金虜敗亡心喪膽落而中原之民箠食壺漿以迎王師誠應天順人機不可失之際也苟能假以歲月莫或撓之如易云高宗伐鬼方三年克之則不惟舊疆可復而幽燕亦可復不惟舊恥可清而沙漠亦可清惜其功業粗布沮抑復生使忠臣義士徒有黍離之歎終不能過河與之一決可哀也已由是飛南班師河南隨陷是則宋人知有江南而不知有江北噫固天所以限南北也雖然班師之計皆秦檜所尸其欺君誤國擢髮難數是固萬世之罪人也或以飛雖被詔違而前進克復舊物以

秦檜固萬世之罪人

功贖罪亦可乎日禮君命名不俟駕遠而前進則是有跋扈不臣之心况十二金牌一日送至雖功蓋天下罪亦難贖君子其肯蒙首惡之名哉綱目據事而詳書於冊則惜之之意可見

綱八月貶祕閣脩撰張九成等官臣九成等皆言和

議非計秦檜惡之乃貶九成知邵州今湖廣府喻樗知

懷寧縣陳剛中知安遠縣見上卷凌景夏知辰州今湖南

廣辰州府樊光遠閬州見上卷學教授毛叔度嘉州今四川嘉定州

張九成從龜山學

司戶參軍九成從楊時學紹興初舉進士對策直言無隱及為刑部侍郎會金人議和九成言於趙鼎曰

金實厭兵而張虛聲以撼中國耳因陳十事云彼誠



九成不可苟安

王忠植死節

綱鑑易知錄

卷八十一

七

能從吾所言則與之和使權在朝廷鼎罷相檜誘之

曰且成檜此事九成曰九成胡為異議特不可苟安

耳檜曰立朝須優游委曲九成曰未有枉已而能直

人者帝問以和議九成對曰敵情多詐不可不察檜

尤惡之綱楊沂中軍潰會于宿州見上走還泗見上

金人屠宿州綱九月遣使諭韓世忠罷兵還鎮時諸大帥

皆還綱冬十月金撒离喝陷慶陽河東經略使王忠

植死之目忠植本河東治山西太原府步佛山忠義人以復

石代等十一州功授河東路經略安撫使及撒离喝

犯慶陽今陝西知府宋萬年拒守明世將檄移文忠

植以所部救慶陽行次延安今陝西叛將趙惟清執

忠植詣撒离喝撒离喝使甲士引至慶陽城下諭降

忠植大呼曰我太行忠義見上也為虜所執使來招

降願將士勿負朝廷堅守城壁撒离喝怒詰之忠

植披襟曰當速殺我遂遇害萬年以城降後贈忠植

奉國軍節度使諡義節綱臨安火綱十一月金封孔

金封孔瑄  
為衍聖公

子後瑤煩為衍聖公時金主與禮樂立孔子廟於上

奉郎十二月金始置屯田軍于中原發置屯田

置封之宋高宗



予金而惜

則兵民雜處且耕且守民無疑貳之意兵有就餉之資而中原浸不可復矣特書曰始所以予金而惜宋

也。金既取河南猶慮中原士民懷貳始創屯田軍

凡女真

金本號

奚契丹

東胡種名

之人皆自本部徙居中州

與百姓雜處計其戶口授以官田使自播種春秋量

給其衣若遇出師始給錢米凡屯田之所自燕

見上七

南至淮

見同

隴

今陝西鳳翔府隴州

之北俱有之皆築壘於村

落間

辛酉十一年

金皇統元年

春正月金元朮陷壽春人廬

州詔張俊等將兵救之二月王德復和州金元朮自

敗後。畱屯京京。見上。毫。以謀再舉。及聞秦檜召諸軍。

還乃攻陷壽春。見同上。遂渡淮入廬州。今江西南廬州府。詔張俊。

楊沂中帥兵赴淮西。岳飛進兵江州。今江西九江府。尋詔韓。

世忠引兵往援時兀朮自合肥。今廬州府。肥縣。趨歷陽。即和。

州屬。遊騎至江。張俊議分軍守南岸。王德請急擊之。

即渡采石。見上卷。俊督軍繼之。宿江中。德曰。明旦當。

會食歷陽。已而夜拔和州。晨迎俊入。兀朮退保昭關。

王德和州之捷

在和州含山縣小峴山西。既而德又敗韓常於含山縣東。又敗兀。

朮於昭關。復含山及昭關。綱楊沂中劉錡敗金兀朮。



楊劉柘皇  
之捷

于柘皇。遂復廬州。劉錡自太平今江南太平府渡江。與張

俊楊沂中會。而廬州已陷。錡乃與關師古據東關。廬在

州府巢縣東南之險。以遏敵。引兵出清溪。兩戰皆捷。元木以

柘皇縣河南在巢縣西北地坦平。利於用騎。因駐師。錡進兵與

元木夾石梁河而陣。河通巢湖。在巢縣西廣二丈。錡命曳

薪壘橋

葉。薪壘橋須臾而成。遣甲士數隊踰橋臥槍。鏑

也。而坐。遣人會合張俊楊沂中之師。翌日沂中及王

德田師中張子蓋諸軍俱至。惟俊後期。錡與諸將分

軍為三。並進渡河以擊之。師中欲俟俊至。德曰。事當

長斧如牆而進

此順昌旗幟

機會復何待。即與錡上馬先迎敵。沂中繼之。金人以

拐子馬兩翼而進。德率眾鏖戰。沂中曰：虜恃

弓矢。吾有以屈之。使萬人持長斧如牆而進。虜遂大

敗。德與錡等追之。文敗於東山。在江南鳳陽府。在鳳陽府。在壽州。見上。旗幟也。即走保紫金山。是

驚曰：此順昌。二。旗幟也。即走保紫金山。是

役也。失將士九百人。金人死者以萬計。既而兀朮復

親帥兵進。戰於店步。沂中等又敗之。乘勝逐北。走

北。遂復廬州。綱金主親祀孔子。綱三月。張俊。楊沂中

劉錡奉詔班師。金人陷濠州。即鳳陽府。俊使沂中救之。敗



張俊附秦  
僧

岳飛諫脩  
楚州城

績乃皆還鎮後歸建康錡岳飛帥兵救濠州不及

遷次舒州今江南安慶府綱金元木渡淮北去孫近罷綱

夏四月以韓世忠張俊為樞密使岳飛為副使秦檜

和議恐諸將難制欲盡收其兵綱罷三宣撫司五月

權從給事中范同計乃有是命綱張俊知秦檜欲罷兵

詔張俊岳飛如楚州

見上閱軍首請以所部隸御前

且力贊和議檜深喜之時更軍制之初將士多不安

乃命俊飛往淮東撫韓世忠之軍至楚州俊欲脩城

為備飛曰當戮力以圖恢復綱六月進秦檜為尚書左

復豈可為退保計俊不悅

僕射秋七月以范同參知政事綱罷淮北宣撫判

官劉錡自順昌之捷驟貴張俊楊存中時沂中賜名存

中嫉之。至是二人言於朝曰：淮西之役，濠州岳飛不

赴援，劉錡戰不力。秦檜信之，遂罷錡兵，命錡知荆南

府。今湖廣綱八月，罷知溫州王居正。居正立朝，累

與秦檜忤，且力辨王安石父子學行之非。自兵部

侍郎出知溫州。今浙江檜猶忌之，諷中丞何鑄劾居

正為趙鼎汲引，欺世盜名，奪職奉祠。居正之學根據

六經。易書詩春秋楊時器之出所著三經義解示居正

曰：吾舉其端，子成吾志。居正感勵，首尾十載為詩書

周禮辨學三十九卷，與時書同進。二書行天下，遂不

龜山三經  
義解一  
王居正三  
經辨學



二君有功  
聖門

秦檜力謀  
殺岳飛

復言王氏學。義自古邪不能害正也。然能害之於暫。  
常蔽白日乎。昔也龜山居正之書不出。王氏邪說盛  
行。二君之書一出。則王氏邪說遂沮。二君其有功於  
聖門也。綱罷岳飛奉朝請。目飛以恢復為己任。不肯  
附和議。嘗讀檜奏至德無常師。主善為師之語。恚。惠  
怒恨也。曰。君臣大倫。根於天性。大臣而忍面欺其主邪。  
兀術遣去聲檜書曰。汝朝夕以和請。岳飛方為河北圖。  
必殺飛始可。和檜亦以飛不死。終梗和議。已必及禍。  
故力謀殺之。遂諷中丞何鑄。侍御史羅汝楫。諫議大  
夫。萬麥俟奇。離肩交章論飛。奉旨援淮。西暫至舒。

見上。斬見卷六十三而不進。比與張俊按兵淮上。欲棄山陽。

即楚州而不守。乃罷為萬壽觀貫使奉朝請見卷二十五。

**綱**九月。吳璘等收復陝西諸州。詔班師還鎮。田吳璘。

進兵拔秦州。屬陝西聞金統軍胡蓋與習不祝合兵。

五萬屯劉家園。請於胡世將擊之。世將問策安出。璘。

曰。有新立疊陣法。每戰以長鎗鎗居前。坐不得起。次。

最强弓次强弩。跪膝以俟。次神臂弓。約賊相搏至百。

步內。則神臂先發。七十步。强弓併發。次陣如之。凡陣。

以拒馬為限。鐵鉤相連。俟其傷則更耕代。代則以鼓。



為節騎兩翼以蔽於前。陣成而騎退。謂之疊陣。世將

善之。諸將竊議曰。吾軍其殲

失。盡殺也。

於此乎。璘曰。此

此古束伍令

古束伍令也。軍法有之。諸君不識耳。得車戰餘意。無

出於此。戰士心定。則能持滿。敵雖銳。不能當也。遂進

次剌

鹽上聲

家灣。時胡蓋習不祝。據險自固。前臨峻嶺。

後控臘家城。謂璘必不敢犯。璘先以兵挑之。

見五一卷七挑

吳璘輕裘  
駐馬

戰。胡蓋出鏖。

見戰

璘以疊陣法更迭戰。輕裘駐馬。亟

器數也。

麾之士殊死鬪。金人大敗。降者萬人。胡蓋走保

臘家城。璘圍而攻之。城垂破。朝廷方主和議。以驛書

詔班師時璘拔秦州其勢方張陝西河東首領爭來

附而楊政拔隴州見上郭浩復華州屬陝西入陝州

屬河南矣詔至璘即自臘家城引兵還河池今陝西

鳳浩還延安今陝西政還鞏鞏州今陝西世將惟浩歎

而已綱莫將還自金元本欲議和莫將久於綱多十

月詔以魏良臣為金國稟議使綱秦檜矯詔下岳飛

于大理獄秦檜必欲殺飛乃與張俊謀密誘飛部

將能告飛事者優與重賞卒無應者俊聞飛嘗欲斬

統制王貴又嘗杖之乃誘貴告飛貴不肯俊因劫以

秦檜矯詔  
下岳飛獄

張俊為秦  
檜謀殺岳  
飛



賜見

私事貴懼而從之。檜又聞飛統制王俊善告訐。號鵠  
鵠。大兒。以姦貪屢為張憲所抑。使人諭之。王俊許

諾。於是檜謀以張憲王貴王倭皆飛部將。使其徒自

相攻發。因以及飛父子。庶帝不疑。倭時在鎮江。今江

江乃自為狀付王倭。妄言副都統制張憲謀據襄陽

見上還飛兵柄。令告王貴使貴執憲赴鎮江行樞密

府。憲未至。倭預為獄以待之。倭親行鞫。菊鍊。鞠問。使

憲自誣。謂得飛子雲手書。命憲營還兵計。憲被掠無

完膚。竟不伏。倭手自具獄成。告檜。械憲至臨安。下大

背涅盡忠  
報國四大  
字

理寺獄。檜奏召飛父子證憲事。帝曰：刑所以止亂，勿妄追證，動搖人心。檜矯詔召飛父子，使者至飛第，飛笑曰：皇天后土可表此心，遂與雲就獄。檜命中丞何鑄大理寺，周三畏鞫之。鑄引飛至庭，詰其反狀。飛裂裳以背示鑄，有舊涅制字以青涅之。刺音威。盡忠報國四大字。深入膚理，既而閱實，俱無驗。鑄察其寃，白檜。檜曰：此上意也。鑄曰：鑄豈區區爲岳飛者？強敵未滅，無故戮一大將，失士卒心，非社稷之長計。檜語塞，乃改命諫議大夫万俟卨，素與飛有怨，遂誣飛令子鵬孫。



革致書張憲王貴令盧申探報以動朝廷雲與憲書  
令措置使飛還軍且云其書已焚飛坐繫兩月無可  
證者或教出以臺章所指淮西逗留事

見上十三。逗留見二十。

卷三爲言。禹喜白檜。禹又使鵬革等證飛受詔逗留。

命評事元龜年取行軍時日雜定之傳。會其獄。大

理卿薛仁輔。寺丞李若樸。何彥猷。皆言飛無辜。判宗

士儂救岳飛

正寺士儂。請以百口保飛無他。且曰。中原未靖。禍

及忠義。是忘二聖。不欲復中原也。皆不聽。韓世忠心

不平。詣檜詰其實。檜曰。飛子雲與張憲書。雖不明。其

道我育

跨驢禍酒

事莫須有。世忠曰：莫須有，三字何以服天下也？  
 世忠能。世忠深以和議為不然。及魏良臣使金，抗  
 疏言秦檜誤國之罪，檜諷言官論之。帝不聽。而世忠  
 連疏乞罷，遂罷為醴泉觀使。封福國公。世忠自是杜  
 門謝客，絕口不言兵。時跨驢攜酒，從一二童奴，縱  
 遊西湖。在杭州以自樂。澹然若木，嘗存權位者，平時  
 將佐罕得見其面。國世忠之謙過武穆所謂鳥見弓  
 勢如。十一月，范同罷，和議成，以何鑄簽書樞密  
 院事。奏表稱臣于金，曰：兀朮以蕭毅、邢具瞻為審議



使與魏良臣偕來議以淮水為界求割唐鄧見六七卷二十

二州及陝西餘地歲幣銀絹各二十五萬仍許歸梓

宮太后帝悉從其請命鑄往使鑄至汴汴州宋舊都今河南開封

府見元本遂如會寧見上卷廣義嗚呼用奸臣殺良將

此高宗之素志

母妻之大讎者此高宗之素志也君子奚獨罪檜哉

秦檜殺所

中興謬矣綱遣使割唐鄧商見上卷七秦見上之地以

武昌公岳飛綱歲已暮而飛獄不成一日檜手書小

紙付獄即報飛死矣年三十九雲與張憲皆棄市于

鵬等從坐者六人籍飛家貲徙之嶺南治廣東廣州府於是

薛仁輔李若樸何彥猷皆被黜布衣劉允升上書訟

飛冤下大理獄死凡傳附成其獄者皆進秩洪皓上見

三在金以蠟書以蠟為丸置書其中奏金人所畏服者惟飛至

武穆忠孝

以父呼之及聞其死諸酋酌酒相賀飛事親孝家無

姬侍吳玠素服飛願與交驩節名姝楊美安遺之飛曰

知名姝

主上宵旰尊豈大將安樂時邪却不受玠益敬服帝

辭營第

欲為飛營第飛辭曰金虜未滅何以家為或謂天下

論太平

何時太平飛曰文臣不愛錢武臣不惜死天下太平



用兵

矣。卒有取民麻一縷以束芻者，立斬以徇。卒夜宿民

開門，願納無敢入者。軍號凍死，不拆屋，餓死不鹵。

同虜

掠卒有疾，飛躬為調藥。諸將遠戍，如飛遣妻問勞其

家。死事者，哭之而育其孤。或以子婚其女。凡有頒犒

均給，軍吏秋毫不私。善以少擊衆，嘗以八百人破羣

善以少擊衆

盜王善等五十萬衆於南燕門。

門在京

以八千人破曹

成十萬衆於桂嶺。

見七九卷九

其戰元木於額昌，則以背

嵬八百於朱仙鎮，則以五百皆破其衆十餘萬。

見上卷六

凡有所舉，盡召諸統制與謀。謀定而後戰，故有勝無

謀定後戰

高宗

敗。猝遇敵不動。故敵為之語曰。撼山易。撼岳家軍難。  
張俊嘗問川兵之術。飛曰。仁信智勇嚴。闕一不可。飛  
好賢禮士。覽經史。雅歌投壺。見二十四恂恂如書生。每  
辭官。必曰。將士効力。飛何功之有。然忠憤激烈。議論  
持正。不挫于人。卒以此得禍。

高宗壞萬里長城

史臣曰。西漢而下。若韓彭絳灌之為將。代不乏  
人。求其文武全器。仁智並施。如岳飛者。一代豈  
多見哉。而卒死於秦檜之手。蓋飛與檜勢不兩  
立。使飛得志。則金讎可復。宋恥可雪。檜得志。則  
飛存死而已。昔檀道濟曰。自壞汝萬里長城。  
高宗忍自棄其中。原故忍殺飛。嗚呼。冤哉。

綱 壬戌十二年。金皇統二年春二月。進封建國公瑗。見上卷四

宋高宗 十九



爲普安郡王。

**綱**封崇國公璩。

見上卷五

爲恩平郡王。

**綱**詔

諸州脩學宮。

**綱**何鑄還白金。

**綱**初蕭毅至臨安。

帝曰。

朕有天下而養不及親。徽宗無及矣。今立信誓。明言

歸我太后。朕不恥和。不然。朕不憚用兵。及何鑄曹勛

往。帝召至內殿。諭之曰。朕北望庭闈。無淚可揮。卿見

金主。當曰。慈親之在上國。一老人耳。在本國。則所繫

甚重。以至誠說。

稅

之庶彼有感。鑄至金。首以太后爲

請。金主曰。先朝業已如此。豈可輒改。曹勛再三懇請。

金主乃許之。遂遣鑄還。許歸徽宗及鄭后邢后之喪。

與帝母韋氏。綱三月放齊安王士儼于建州。秦檜惡其救岳

飛也。綱四川宣撫副使胡世將卒。以鄭剛中代之。綱夏

四月。金使人以袞冕來冊帝。金遣左宣徽使劉苦以袞冕主冊。冊帝為大宋

皇帝。苦音括。綱六月。何鑄罷。秦檜以鑄不傳會岳飛之缺。遂出知徽州。綱秋八

月。以万俟卨參知政事。綱金人歸徽宗皇帝顯肅皇

后鄭氏及懿節皇后邢氏之喪。喪至。帝易總服。綱皇

太后韋氏至自金。后至臨安。入綱九月。以孟忠厚為

樞密使。充樞密使。總護使。綱大赦。加秦檜太師。封魏國公。以和好成

也。綱遣使如金。沈昭遠賀生辰。楊愿賀正旦。金循契丹例。不欲兩接使人。故併遣使。歲如



之綱冬十月攢攢徽宗皇帝顯肅皇后于永固陵以

懿節皇后附尋改陵曰永固綱以程克俊簽書樞密院

事綱進封秦檜為秦魏兩國公辭不拜以太后回鑾推恩也檜以

封兩國與蔡京同故辭綱十一月張俊免目初俊贊秦檜成和

議約盡罷諸將獨以兵權歸俊及和議定諸將罷而

俊無去意故檜諷臺臣江邈莫論之遂罷為節度使

充醴泉觀使進封清河郡王奉朝請見上綱劉光世

卒目光世在諸將中最先進律身不嚴馭軍無法不

肯為國任事早解兵柄與時浮沉不為秦檜所忌故

劉光世不  
逮韓岳遠

秦熈脩日  
曆

能竊寵榮以終其身。方之韓岳，不逮遠矣。**綱**徽猷閣  
待制致仕尹焞卒。**目**焞質直弘毅，實體力行程。願嘗  
以魯許之，且曰：我死而不失其正者，尹氏子也。**綱**詔  
祕書少監秦熈、脩日曆。**目**秦檜無子，取妻兄王煥  
孽子熈養之。南省禮部擢爲第一。檜以爲嫌，進士陳誠  
之策專主和議，乃以爲首。熈次之。歷官祕書少監。檜  
自知不爲士論所與，乃以熈領國史，自檜再相。凡詔  
書章疏稍及檜者，率更耕易焚棄。因以太后北還爲  
已功，自領其事，使著作郎王楊英周執羔上之。**綱**孟



新編通志卷之二十一

忠厚寵<sub>目</sub>忠厚始以外戚貴顯。然能避權勢。不以私

干朝廷。秦檜忠厚之僚壻也。未嘗親附。至是檜諷臺

諫。引故事。外戚不預政。罷之。

作大學

<sub>綱</sub>癸亥十三年。金皇統三年。春正月。作太學。以岳飛宅為之。<sub>綱</sub>二

月。作景靈宮。遣官自溫州奉迎。神宗神御至。遂詣天章閣西殿告遷徽宗及顯恭顯肅二后。

神御并奉安焉。<sub>註</sub>育。溫州見七。<sub>綱</sub>夏。閏四月。立貴妃吳氏為皇

后。<sub>目</sub>后開封。今河南開封府。即汴京也。人年十四。選入王邸。見四卷。

<sub>西</sub>帝既即位。后常以戎服侍左右。習書史。善翰墨。寵

日隆。累進貴妃。帝憐邢氏在金。虛中宮。以待其還。

作景靈宮

至是秦檜累表請立后。皇太后亦以爲言。帝從之。**綱**

王次翁罷。六月。程克俊罷。**綱**秋。七月。行人洪皓張

邵朱弁還自金。**明**發直書行人洪皓張邵朱弁還自金嘉不辱也**田**自建炎

高宗以來。奉使如金被拘囚者三十餘人。多已物故。

惟三人以和議成許歸。已而金人遣七騎追之。及淮。

而皓等已在舟中矣。皓居冷山。見七八距會寧。見上

三百里。屢因謀。見上者密奏敵情。且力言和議非

計。乞興師進擊。嘗求韋太后書遣李徽持歸。帝大喜。

曰。朕不知太后寧否。幾二十年。雖遣使百輩。不如此。



洪皓忠貫  
日月  
雖蘇武不  
能過

一書每遇貴族名家子流落於金者盡力拯。整救之。  
畱金十五年而還。入對內殿。求郡養母。帝曰。卿忠貫  
日月。志不忘君。雖蘇武。卷十五。不能過。豈可捨朕去。  
邪。皓退。見秦檜。語連日不止。曰。張和公。張金人所憚。  
乃不得用。錢塘。臨安治。今杭。縣。暫居。爲景靈宮。太廟皆  
極土木之華。豈非示無中原意乎。檜不懌。遂除徽猷  
閣直學士。提舉萬壽觀。貫復以論事忤檜。出知饒州。  
今江西。鄱被囚。祚山。見七八。踰年。送劉豫使用之。鄱  
見豫長揖而已。又呼豫爲殿院。責以君臣大義。詞氣

俱慫。豫怒械於獄。久之復送於金。拘之燕山。見上卷二

寺從者皆莫知所之。金復徙之會寧。見上及還。入見除

祕書脩撰。主管祐神觀。司諫詹大方論其使事無成。

改台州。今浙江台州府崇道觀。并副王倫使金。見七七卷末既就

館。守之以兵。久之。金將議和。當遣一人受書還。欲并

與倫探策。決去。并曰。吾來固自分。問必死。豈應今

日覲。記幸先歸。願正使受書歸報天子。成兩國之好。

去聲蚤。伸四海之養於兩宮。則吾雖暴。僕骨外國。猶生

之年也。倫將歸。并謂曰。古之使者有節。見同上以爲

朱弁義不  
先歸



俱  
臥起與印

信。今無節有印。印亦信也。願畱之。使弁得抱以死。死  
不腐矣。倫解以授弁。弁受而懷之。臥起與俱。金人迫  
弁仕劉豫。且誅。誘也。之曰。此南歸之漸。弁曰。豫國賊。  
吾常恨不食其肉。又忍北面臣之。吾有死耳。金人怒。  
絕其餼。戲。饋客生遺去聲。食及芻米也。遺饋也。以困之。弁忍飢待盡。  
誓不爲。去聲。屈。金人感動。致禮如初。久之復欲易其官。  
弁曰。吾官受之本朝。有死而已。誓不易以辱吾君也。  
又以書訣洪皓曰。殺行人。非細事。吾曹遭之。命也。要  
當舍生以全義耳。及還入見便殿。弁謝。且曰。陛下與

書六經刻  
石太學  
復置三館

金人講和上返梓宮次迎太母此皆知時知幾之明  
然時運而往或難固執幾動有變宜鑑未兆金人以  
黷武爲至德以苟安爲太平虐民而不恤民廣地而  
不廣德此皆天助中興之勢若時與幾陛下既知於  
始願圖厥終帝曰善秦檜惡其言奏以初補官易宣  
教郎直祕閣而卒綱帝書六經刻石于太學綱冬十  
二月金人來聘賀正旦也自是歲如之綱復置三館綱上謂宰  
執曰人才須素養太宗置三館見六四卷四四養天下之士  
至仁廟仁宗朝人才輩出爲用今日若不興學校將來



安得人才用邪

樂平水圖

綱甲子十四年

金皇統四年

春正月樂平水鬪

綱

水者陰類樂平

水鬪異之異者自有書契以來災異雖多然未聞水鬪者此綱目之所特書也

綱樂平縣屬

西饒州府

何衝里由隴數十百頃

百畝為頃

田中水類為物所

吸聚為一。直行高平地數尺。不假隄

低

防

房而水自

行。里南程氏家井水溢亦高數尺。天矯如長虹聲如

雷穿牆毀樓。二水鬪於杉墩。且前且却。約十餘刻乃

解。各復故。綱二月。万俟卨罷。以樓炤簽書樞密院事

萬忤秦

綱

三月。帝謁孔子廟。遂視學。綱國學大成殿

胡宏移書  
責高閔

成。司業高閔表請帝視學從之。止輦見五二於殿門外。步趨升降。退御敦化堂。命禮部侍郎秦熈執經。高閔講易泰卦。胡宏見其表移書責之曰。太學明人倫之所在也。太上皇帝劫制於強敵。生往死歸。此臣子痛心切骨。臥心嘗膽。宜思所以必報之大讎也。太母天下之母。其縱釋乃在金人。此中華之大辱。臣子所不忍言也。而柄臣乃敢欺天罔人。以大讎大辱而為大恩。閣略下目覩忘讎滅理。北面敵國。以苟晏安之事。猶偃然為天下師儒之首。既不能建大論明天人



之理以正君心。乃阿諛柄臣。希合風旨。求舉太平之

典。又從而為之詞。欺罔孰甚焉。安國子也。廣高閑義請帝

觀學似矣。然高宗之時。乃屯否。寒剝之時。也。豈泰運之世乎。胡宏責之。何其當哉。綱夏四月

初禁野史

初禁野史。從秦檜請也。後著作郎林機言有失意

之人。匿迹近地。窺伺朝廷。作為私史。以售其邪說。請

禁絕之。復下詔申禁之。

靜軒周氏曰。大抵史者。公天下後世之是非者也。豈一人之私。而能滅衆人之公論哉。賊檜掩護其惡之。不暇亦愚矣。嗚呼。使果能禁。則自呂秦以至於今人。皆不知聖賢之訓。是非顛倒。黑白不分。久矣。善乎呂東來曰。史官萬世是非之權衡。禹不能褒。鯀管蔡不能貶。周公趙盾不能

改董狐之書崔氏不能奪南史之簡公是公非  
舉天下莫之能移焉昔司馬遷作史記武帝惡  
其直筆刊落其書然公議之在天下抑則揚塞  
則決窮則通經能削一史官之書安能屈天下  
之筆乎書曰禁野亂掘音你  
史者識會之弊也匪止也

五月樓炤罷以李文會簽書樞密院事文會劾炤罷之遂命

閩浙大水

文會代炤自是執政免卽以言者代之閩開建浙大水閩內侍右武

大夫白鏐從皇太后北歸者因閩浙大水宣言變理

見六七乖蠡同洪皓名聞華夷顧不用鏐館客張伯

麟嘗題太學壁云夫差而忘越王之殺而父乎見四卷三

二秦檜怒之俱坐誹謗刺威配鏐於萬安軍今廣東瓊州府



萬伯麟於吉陽軍

今瓊州府崖州

罷皓提舉江州

今江西北江府

太

平觀

綱

秋九月徙趙鼎于吉陽軍

鼎在廟

見土

五

年杜門謝客時事不挂口有問者引咎而已先是鼎

請正建國公

見上卷四

皇子之號檜言鼎欲立皇太子是

待陛下終無子也宜俟親子乃立至是中丞詹大方

希檜意劾鼎與其黨范冲

見上卷五

邪謀密計轉相扇惑

以微

驕

無妄之禍蓋指皇子而冲嘗為翊善故也遂

移鼎吉陽鼎謝表有曰白首何歸懷餘生之無幾丹

心未泯誓九死以不移檜見曰此老倔強

見三八卷二七

猶

鼎謝表

此老倔強

猶昔

肉簡牌

昔綱冬十月何若請黜程頤之學。曰右正言何若指

程頤張載

見七二卷五

遺書為專門曲學請戒內外師儒

之官力加禁絕秦檜從之。綱十二月李文會免以楊

愿簽書樞密院事。曰愿為中丞迎合檜意以舉劾人

號之為肉簡牌。至是論文會遂代其位。綱王倫為金

所殺。

綱發王倫往返金國贊成和議不為無罪故其見

以明其有可殺之道曰金欲以倫為平州今直隸路

轉運使。倫曰奉命而來非降也。金脇以威遣使來趣

倫拒益力。金杖其使俾縊意殺之。



綱乙丑十五年金皇統五年春正月朔初御大慶殿受朝

高宗與金虜不共戴天無時焉而可忘也顧乃御

殿受朝晏然自肆則是忘怨釋怨非人子矣直書

日初深綱夏四月朔見五卷出東方大赦綱六月

朔日食綱帝幸秦檜第上賜檜第車駕親幸加檜妻

郡夫人孫損堪與並除直秘閣賜三品服損時方九

歲尋書一德格天之間六字賜檜後又命作檜家廟

賜以祭器綱秋七月放張浚于連州綱浚因星變欲力論

時事以其母許氏年高言之必被禍許氏知之誦其  
父威紹聖哲宗初制策曰臣寧言而死於斧鉞不忍  
不言而負陛下浚意遂決即上疏言當今時勢如養

幸秦檜第

張母

大疽於頭目心腹之間不決不止遲則禍大而難決

疾則禍輕而易治陛下謀之於心斷之以獨謀察

情偽豫備含平孫幾社稷安全不然後將噬臍見

七卷事下三省秦怡大怒令中丞何若劾之遂貶連

州屬廣東居住尋徙永州今湖南檜必欲殺浚以其

死黨張柄知潭州今湖南與都丞汪名錫共伺察之

冬十月楊愿罷以李若谷簽書樞密院事

綱丙寅十六年金皇統六年春正月行藉田見十一禮目

先是知度州薛弼言州民朽柱中有文曰天下太平

行藉田禮



年秦檜大喜乞詔付史館於是脩彌文以飾治具如鄉飲見四八耕藉之類節節備舉爲苟安於杭之計自此不復巡幸江上而祥瑞之奏日聞矣綱秋九月金劉豫死

綱丁卯十七年

金皇統七年

春正月以李若谷參知政事

何若簽書樞密院事二月李若谷罷三月以段拂

參知政事何若罷夏四月以汪勃簽書樞密院事

綱

五月安置提舉江州太平觀洪皓于英州

秦檜惡之也

英州見七

三卷九

綱秋八月故相趙鼎卒于吉陽軍綱鼎潛

趙鼎書如旌

居深處門人故吏皆不敢通問惟廣西帥張宗元時

饋醪

牢

米會降旨趙鼎李光

紹興十一年秦檜忌李光安置藤州復竄瓊州

遇赦永不檢舉且令本軍月具存亡申省鼎遣人語

去其子汾曰秦檜必欲殺我我死汝曹無患不爾禍

及一家矣自書墓中石記鄉里及除拜歲月且書銘

旌云身騎箕尾

東方朔名莊子傳說乘東維騎箕尾而比於列星

歸天上氣

作山河壯本朝遺言其子乞歸葬遂不食而死天下

聞而悲之鼎為相專以固本為先以為本固而後敵

可圖讎可復惜其見忌於檜齋志以沒然中興賢相



鼎為稱首。綱九月罷四川宣撫副使鄭剛中。蜀有方

略秦檜忌之使人求其陰事名還責綱冬十二月金

和蒙古

及蒙古和。目初撻懶既誅其子勝花都郎君率其父

故部曲以叛與蒙古見上通。蒙古益強兀術討之連

年不能克乃與之議和割西平河以北二十七團寨

與之歲遺去聲牛羊米豆且冊其酋熬羅勃極烈。見七

九為蒙輔國王不受自號大蒙古國至是始和歲遺

甚厚於是蒙酋自稱祖元皇帝改元天興。綱書金及

以見欲和者金也蒙古拒金不屈則見蒙古之浸盛金伐蒙古不克則見女真之漸弱識者可以觀二國

之典  
亡矣

綱戊辰十八年。金皇統八年。春二月。段拂罷。三月。以秦

熈知樞密院事。綱夏四月。秦熈罷。為觀文殿學士。兼

侍讀。位次右僕射。熈乞避父子共綱。五月。放浙東。浙治

江紹興府。副總管李顯忠。于台州。綱顯忠熟知西邊山川

險易。因上恢復策。秦檜惡之。降官奉祠。台州。今浙江

居住。綱秋七月。寬諸郡雜稅。八月。汪勃罷。以詹大

方簽書樞密院事。九月。詹大方卒。冬十月。以余

堯弼簽書樞密院事。金元朮卒。綱十一月。竄胡銓。



于海南綱十二月金以完顏亮為右丞相亮本名迪古乃太祖

幹本之子金主亶從弟也

綱己巳十九年金皇統九年十二月以後廢主亮天德元年以冬十二月金

完顏亮弑其主亶而自立

綱庚午二十年金天德二年春正月殿司軍士施全刺秦

檜不克檜殺之目檜趨朝殿前司後軍使臣施全挾

刃於道遮檜肩輿刺之不中捕送大理檜親鞫推窮

罪之全對曰舉天下皆欲殺虜人汝獨不肯故我欲

殺汝也詔磔磔裂於市自是檜每出列五十兵持

施全忠義

長挺以自衛。三月。以余堯弼參知政事。丞。及簽書

樞密院事。遣堯弼使金。賀即位也。綱下李光子孟堅于大

理。獄流之峽。冷州。責降徽猷閣直學士胡寅等官有

差。雌。目光在瓊。今廣東瓊州府見上。嘗作私史。其仲子孟堅為

所親。陸升之言之。升之許其事。秦檜命兩浙。見七十七卷。

轉運副使曹泳究實。泳言孟堅省之父光所作小史

語涉譏謗。送大理寺獄。成。詔光遇赦。永不檢舉。孟堅

除名。編管峽州。今湖廣荊州府夷陵州。於是胡寅程瑀與潘良

貴宗穎張壽許忻賀允中吳元許八人皆緣坐責降



吳三子傳

潛光亭

有差有太常主簿吳元美作夏二子傳指蚊蠅也其

鄉人告之以為讒毀大臣且言元美與李光交故其

亭號潛光檜大怒竄之容州今廣西梧州府容縣夏四月金

主亮大殺其宗室初亮見太宗諸子盛強忌之至是殺太宗子孫七十餘人特沒喝子

孫三十餘人諸宗室五十餘人太宗特沒喝後皆絕冬十月金主亮殺其左

副元帥撒离喝等夷其族亮復忌之也秦檜有疾詔執

政赴檜第議事十二月甲子檜始朝

綱辛未二十一年金天德三年春正月金置國子監綱二

月以巫伋為金國祈請使且伋至金首請迎靖康帝



欽宗歸國。金主曰：「不知歸後何處頓放。及唯唯而退。」

**綱**三月。金主大營宮室于燕。**目**金主稍習經史。幕中

國朝著同之尊。密有遷都意。遂下詔。求直言。而上書

者多謂上京。即會寧。見上卷二二三。僻在一隅。不若徙燕。即燕京。今直隸

順天府。以應天地之中。與金主意合。乃遣左丞相張浩

右丞相張通古等。調去聲。諸路夫匠。築燕京宮室。一依

汴京。見上十。制度。一殿之費。以億萬計。成而復毀。務

極華麗。**綱**秋八月。太傅鎮南武安寧國節度使。咸平

王。韓世忠卒。**目**世忠解兵罷政。臥家。凡十年。至是卒。



孝宗朝追封蘄王諡忠武子彥直彥質彥古皆以才

見用。綱冬十一月余堯弼罷

綱壬申二十二年。金天德四年夏四月巫覡罷以章復伏

簽書樞密院事。秋九月章復罷冬十月以宋樸簽

書樞密院事



